



Broj: 01- 903/21

Datum: 17. 6. 2021. godine

Na osnovu člana 136. Zakona o visokom obrazovanju ("Službene novine Kantona Sarajevo broj: 33/17, 35/20 i 40/20), člana 108. Statuta Univerziteta broj: 01-1093-3-1/18 od 28. 11. 2018. godine, u skladu sa Preporukama Ministarstva za nauku, visoko obrazovanje i mlade Kantona Sarajevo bro: 27/02-34-4840-1/21 od 7. 6. 2021. godine a u cilju spriječavanja širenja zaraze koronavirusom (COVID-19) i zaštite zdravlja zaposlenih radnika i studenata Pedagoškog fakulteta Univerziteta u Sarajevu, dekan donosi **sljedeće**

Smjernice za izvođenje ispita u učionici

Uvažavajući trenutnu epidemiološku situaciju u Kantonu Sarajevo, kao i preporuke i naredbe kriznih štabova i zavoda za javno zdravstvo, **u cilju minimiziranja epidemiološkog rizika, održavanje ispita u prostorijama Pedagoškog fakulteta izvodit će se pod sljedećim uvjetima:**

- a) Nastavnik koji boravi u prostorijama Fakulteta, dužan je propisno nositi zaštitnu masku (preko nosa i usta), pristupiti mjerenu temperatu prije ulaska u prostorije, te se obavezno pridržavati mjere fizičke distance od ostalih prisutnih u razmaku od minimalno 2 metra i održavati pojačanu higijenu svog radnog mjesta i lične dezinfekcije ruku;
- b) Student koji boravi u prostorijama Fakulteta, dužan je propisno nositi zaštitnu masku (preko nosa i usta), pristupiti mjerenu temperatu prije ulaska u prostorije, te se obavezno pridržavati mjere fizičke distance od ostalih prisutnih u razmaku od minimalno 2 metra i održavati pojačanu higijenu/dezinfekciju ruku;
- c) Ulazak studenata u prostorije Fakulteta vršit će se isključivo po ispitnim grupama oglašenim na web stranici Fakulteta za svaki predmet čiji se ispit realizira u prostorijama Fakulteta. Studenti iz svake grupe ulaze u prostorije Fakulteta u naznačeno vrijeme različito za svaku grupu, s razmakom od najmanje 60 minuta između dvije grupe, radi provjetravanja i dezinfekcije prostorije, osiguranja dovoljno vremena za ulazak i izlazak studenata iz učionice uz održavanje razmaka od 2 metra, vodeći računa da u prostoriji ne bude više od onog broja studenata koji prema epidemiološkim mjerama može biti u salama u kojima se ispiti realiziraju. Cilj ovih smjernica je da se jedna grupa studenata ne susreće i ne miješa s drugim grupama te da se studenti ne zadržavaju u hodnicima, zajedničkim prostorijama ili u dvorištu;
- d) Ispitima može pristupiti isključivo student koji ne pokazuje znakove akutne respiratorne bolesti, a koja se može očitovati sljedećim simptomima: povišena tjelesna temperatura, kašalj, poteškoće u disanju i sl. Osim toga, ispitima u učionici ne može pristupiti student kojem je izrečena mjeru samoizolacije te kod kojeg je utvrđena zaraza COVID-19;
- e) Ukoliko studentima iz gore navedenih razloga bude uskraćeno polaganje ispitnih aktivnosti, nastavnik je obavezan organizirati ispit online putem;
- f) Zajedno sa studentima koji pokazuju znakove infekcije navedene pod tačkom e), online ispit treba posebno organizirati i za one studente koji su hronično bolesni, koji su bili u kontaktu sa zaraženim osobama ili kojima su zaraženi članovi porodice, studentima koji radi jako

kratkih rokova ne mogu doći u Sarajevo i organizirati prevoz ili smještaj jer žive u drugim gradovima u i van BiH;

- g) Tokom in class ispita, predmetni nastavnici koji provode ispit u kojem su uključene tjelesne aktivnosti su dužni osigurati da nema kontakta među studentima: Rad se treba organizirati u manjim grupama da bi se izbjegao kontakt među studentima ili da se ne bi smanjila distanca između osoba prisutnih na ispitu od one dozvoljene od 2 metra. Pri tome je preporučljivo da studenti i nastavnik nose maske a nastavnik je obavezan da prilagodi ispit, te ispitne aktivnosti otežanim uslovima pod kojima studenti rade (sve mjere da bi se izbjegla tjelesna i zdravstvena povreda studenta, stanja hipoksije, alergijske reakcije kod studenata ili respiratorne smetnje). Iz navedenih razloga, sve ove smjernice treba provesti da bi se ispit prilagodio potrebi studenata i nastavnika koji su obavezni nositi maske radi zaštite od zaraze;
- h) Nastavnik snosi punu odgovornost za svako neodgovorno ponašanje koje ugrožava zdravlje kako uposlenika tako i studenata Pedagoškog fakulteta i biće sankcionisan u skladu sa zakonom ukoliko se ne bude pridržavao istih; Studenta koji ne želi da poštuje epidemiološke mjere nastavnik treba udaljiti sa ispita;
- i) Studenti koji uoče bilo kakve nepravilnosti u provedbi i poštivanju epidemioloških mjera, te koji uoče da se nesavjesnim ponašanjem ostalih osoba na ispitu oni dovode pod rizik od zaraze, imaju pravo to prijaviti Upravi fakulteta;
- j) Prije ispita, studenti potpisuju izjave u kojima pod krivičnom i materijalnom odgovornošću garantiraju da nisu zaraženi i da će poštovati sve gore navedene mjere i snositi zakonske posljedice u slučaju nepoštivanja istih;
- k) Prije ispita, nastavnici potpisuju izjave u kojima pod krivičnom i materijalnom odgovornošću garantiraju da nisu zaraženi i da će poštovati sve gore navedene mjere. i snositi zakonske posljedice u slučaju nepoštivanja istih;
- l) Popunjene obrasce studenti prilažu predmetnom nastavniku ili asistentu, a nastavnik i asistent nakon što prikupe obrasce trebaju ih ostaviti na portu Fakulteta.
- m) Popunjene obrasce koje potpisuju nastavnici, nastavnici trebaju predati Pravnoj službi Fakulteta;
- n) Nastavnik koji odbije potpisati obrazac ne može pristupiti provedbi ispita u prostorijama Fakulteta;
- o) Student koji ne potpiše obrazac ne može pristupiti polaganju ispita u prostorijama Fakulteta.

S izrazima poštovanja,

